



BOSNIA AND HERZEGOVINA
MINISTRY OF FINANCE
AND TREASURY

Na osnovu člana 61. Zakona o upravi ("Službeni glasnik BiH", br. 32/02 i 102/09), a u vezi člana 17. Zakona o finansiranju institucija Bosne i Hercegovine ("Službeni glasnik BiH", br. 61/04, 49/09, 42/12, 87/12, 32/13, 38/22 i 44/25) i člana 18. Zakona o budžetu institucija Bosne i Hercegovine i međunarodnih obaveza Bosne i Hercegovine za 2025. godinu ("Službeni glasnik BiH", broj 70/25), Ministar finansija i trezora Bosne i Hercegovine donosi

I N S T R U K C I J E
o ostvarivanju prava korisnika iz tekuće rezerve za 2025. godinu

I

(Predmet Instrukcije)

(1) Ovim instrukcijama utvrđuje se postupak i način ostvarivanja prava budžetskih korisnika na sredstva iz tekuće rezerve, kao i drugim transferima iz sredstava tekuće rezerve u okviru ukupnog iznosa odobrenog Zakonom o budžetu institucija Bosne i Hercegovine i međunarodnih obaveza Bosne i Hercegovine za 2025. godinu za ovu namjenu.

II

(Postupak i način ostvarivanja prava)

(2) Budžetski korisnik, koji iskazuje potrebu za budžetskim sredstvima iz tekuće rezerve obraća se Vijeću ministara Bosne i Hercegovine (u daljem tekstu: Vijeće ministara) zahtjevom i prijedlogom odluke za dodjelu sredstava iz tekuće rezerve, uz koji obavezno prilaže mišljenje Ministarstva finansija i trezora Bosne i Hercegovine (u daljem tekstu: Ministarstvo finansija i trezora).

III

(Upotreba tekuće rezerve)

(1) Vijeće ministara odlučuje o upotrebi tekuće rezerve po svim osnovama rezervisanja budžetskih stavki iskazanih u tabeli 9999-2 i o tome donosi odluku, koju dostavlja na izvršenje Ministarstvu finansija i trezora i budžetskom korisniku-predlagaču, kome su sredstva tekuće rezerve odobrena.

(2) Sredstva tekuće rezerve mogu se koristiti u skladu sa članom 17. Zakona o finansiranju institucija Bosne i Hercegovine.

(3) Odluke koje se dostavljaju na izvršenje moraju biti potpisane i ovjerene od strane predsjedavajućeg Vijeća ministara.

IV (Pravila realizovanja)

(1) Po prijemu odluke o odobrenoj tekućoj rezervi budžetski korisnik je dužan izvršiti raspored odobrenih sredstava tekuće rezerve po namjeni trošenja i ekonomskim kodovima i iskazati ih kao program posebne namjene u Tabeli 5. (propisana Instrukcijom o načinu sačinjavanja operativnih planova za izvršavanje Budžeta institucija BiH za 2025. godinu i o načinu praćenja programa posebne namjene) i tražiti otvaranje projektnog koda u Informacionom sistemu finansijskog upravljanja (ISFU), te Tabelu 5. uz kopije Odluke o odobrenim sredstvima tekuće rezerve dostaviti Ministarstvu finansija i trezora, Sektoru za budžet.

(2) Na osnovu odluke Vijeća ministara o odobrenoj tekućoj rezervi i usaglašenog rasporeda troškova, dostavljenog od strane korisnika tekuće rezerve, Ministarstvu finansija i trezora, Sektor za budžet vrši odobravanje sredstava tekuće rezerve u Informacioni sistem finansijskog upravljanja (ISFU) na projektni kod i fond 10.

V (Realizovanje i evidentiranje odluka za interventno korištenje tekuće rezerve članova kolegija oba doma Parlamentarne skupštine Bosne i Hercegovine)

(1) Izuzetno od člana 17. stav (3) Zakona o finansiranju institucija Bosne i Hercegovine, sredstva u iznosu od 360.000 KM, uključena u iznos stavke Rezervisanja (9999-2, redni broj 1.-Tekuća rezerva) utvrđene Zakonom o budžetu institucija Bosne i Hercegovine i međunarodnih obaveza Bosne i Hercegovine za 2025. godinu, dodjeljuje se na raspolaganje članovima kolegija oba doma Parlamentarne skupštine Bosne i Hercegovine u jednakim omjerima u svrhu interventnog korištenja sredstava.

(2) Sredstva iz stavka (1) realizuju se na osnovu pojedinačnih odluka članova kolegija oba doma Parlamentarne skupštine Bosne i Hercegovine o interventnom korištenju tekuće rezerve, koje se objavljuju u Službenom glasniku Bosne i Hercegovine. Dodjelu sredstava vršit će se u skladu sa članom 18. stav (3) Zakona o budžetu institucija Bosne i Hercegovine i međunarodnih obaveza Bosne i Hercegovine za 2025. godinu i kriterijima, koje pojedinačno utvrde članovi kolegija oba doma Parlamentarne skupštine Bosne i Hercegovine.

(3) Odobrena sredstva za interventno korištenje tekuće rezerve, evidentiraju se u Informacioni sistem finansijskog upravljanja (ISFU) kao program posebne namjene na fondu 10 u okviru Parlamentarne skupštine Bosne i Hercegovine, na osnovu pojedinačnih odluka članova kolegija oba doma Parlamentarne skupštine Bosne i Hercegovine, koje će voditi Uredi članova kolegija oba doma Parlamentarne skupštine Bosne i Hercegovine. Parlamentarna skupština Bosne i Hercegovine će, Ministarstvu finansija i trezora Bosne i Hercegovine, dostaviti zahtjev za otvaranje programa posebne namjene i Tabelu 5. operativnog plana za alokaciju ukupno odobrenih sredstava na fondu 10 u skladu sa članom 18. stav (3) Zakona o budžetu institucija Bosne i Hercegovine i međunarodnih obaveza Bosne i Hercegovine za 2025. godinu.

(4) Uredi članova kolegija oba doma Parlamentarne skupštine Bosne i Hercegovine, za korisnike tekuće rezerve iz stava (1) ovog člana, Ministarstvu finansija i trezora, Sektoru za trezorsko poslovanje dostavljaju na propisanom obrascu (obrazac 4.) nalog za unos dobavljača – korisnika rezerve u ISFU sistem.

(5) Parlamentarna skupština Bosne i Hercegovine, za korisnike tekuće rezerve iz stava (1) ovog člana, će Ministarstvu finansija i trezora, Sektoru za budžet, dostavljati tabelarne preglede sa podacima broja odluke, broja Službenog glasnika Bosne i Hercegovine u kojem su odluke objavljene, naziv korisnika sredstava, svrha doznake sredstava i iznos koji je odobren i koji je realizovan na osnovu pojedinačnih odluka članova kolegija oba doma Parlamentarne skupštine Bosne i Hercegovine o interventnom korištenju tekuće rezerve uz izvještaje u propisanim rokovima za sačinjavanje kvartalnih i godišnjih izvještaja.

VI

(Realizovanje i evidentiranje odluka za interventno korištenje tekuće rezerve članova Predsjedništva Bosne i Hercegovine)

(1) Izuzetno od člana 17. stav (3) Zakona o finansiranju institucija Bosne i Hercegovine, sredstva u iznosu od 1.080.000 KM, uključena u iznos stavke Rezervisanja (9999-2, redni broj 1.-Tekuća rezerva) utvrđene Zakonom o budžetu institucija Bosne i Hercegovine i međunarodnih obaveza Bosne i Hercegovine za 2025. godinu, dodjeljuje se na raspolaganje članovima Predsjedništva Bosne i Hercegovine u jednakim omjerima u svrhu interventnog korištenja sredstava.

(2) Sredstva iz stavka (1) realizuju se na osnovu pojedinačnih odluka članova Predsjedništva Bosne i Hercegovine o interventnom korištenju tekuće rezerve, koje se objavljuju u Službenom glasniku Bosne i Hercegovine. Dodjelu sredstava vršit će se u skladu sa članom 18. stav (4) Zakona o budžetu institucija Bosne i Hercegovine i međunarodnih obaveza Bosne i Hercegovine za 2025. godinu i kriterijima, koje pojedinačno utvrde članovi Predsjedništva Bosne i Hercegovine.

(3) Odobrena sredstva za interventno korištenje tekuće rezerve, evidentiraju se u Informacioni sistem finansijskog upravljanja (ISFU) kao program posebne namjene na fondu 10 u okviru Predsjedništva Bosne i Hercegovine, na osnovu pojedinačnih odluka članova Predsjedništva Bosne i Hercegovine, koje će voditi Uredi članova Predsjedništva Bosne i Hercegovine. Predsjedništvo Bosne i Hercegovine će, Ministarstvu finansija i trezora Bosne i Hercegovine, dostaviti zahtjev za otvaranje programa posebne namjene i Tabelu 5. operativnog plana za alokaciju ukupno odobrenih sredstva na fondu 10 u skladu sa članom 18. stav (4) Zakona o budžetu institucija Bosne i Hercegovine i međunarodnih obaveza Bosne i Hercegovine za 2025. godinu.

(4) Uredi članova Predsjedništva Bosne i Hercegovine, za korisnike tekuće rezerve iz stava (1) ovog člana, Ministarstvu finansija i trezora, Sektoru za trezorsko poslovanje dostavljaju na propisanom obrascu (obrazac 4.) nalog za unos dobavljača – korisnika rezerve u ISFU sistem.

(5) Predsjedništvo Bosne i Hercegovine, za korisnike tekuće rezerve iz stava (1) ovog člana, će Ministarstvu finansija i trezora, Sektoru za budžet, dostavljati tabelarne preglede sa podacima broja odluke, broja Službenog glasnika Bosne i Hercegovine u kojem su odluke objavljene, naziv korisnika sredstava, svrha doznake sredstava i iznos koji je odobren i koji je realizovan na osnovu pojedinačnih odluka članova Predsjedništva Bosne i Hercegovine o interventnom korištenju tekuće rezerve uz izvještaje u propisanim rokovima za sačinjavanje kvartalnih i godišnjih izvještaja.

VII

(Realizovanje i evidentiranje odluka za interventno korištenje tekuće rezerve predsjedavajućeg i zamjenika predsjedavajućeg Vijeća ministara Bosne i Hercegovine)

(1) Izuzetno od člana 17. stav (3) Zakona o finansiranju institucija Bosne i Hercegovine, sredstva u iznosu od 720.000 KM, uključena u iznos stavke Rezervisanja (9999-2, redni broj 1.-Tekuća rezerva) utvrđene Zakonom o budžetu institucija Bosne i Hercegovine i međunarodnih obaveza Bosne i Hercegovine za 2025. godinu, dodjeljuje se 360.000 KM na raspolaganje predsjedavajućem Vijeća ministara Bosne i Hercegovine i po 180.000 KM na raspolaganje zamjenicima predsjedavajućeg Vijeća ministara u jednakim omjerima u svrhu interventnog korištenja sredstava.

(2) Sredstva iz stavka (1) realizuju se na osnovu pojedinačnih odluka predsjedavajućeg Vijeća ministara Bosne i Hercegovine i zamjenika predsjedavajućeg Vijeća ministara Bosne i Hercegovine o interventnom korištenju tekuće rezerve, koje se objavljuju u Službenom glasniku Bosne i Hercegovine. Dodjelu sredstava vršit će se u skladu sa članom 18. stav (5) Zakona o budžetu institucija Bosne i Hercegovine i međunarodnih obaveza Bosne i Hercegovine za 2025. godinu i kriterijima, koje pojedinačno utvrde predsjedavajući i zamjenici predsjedavajućeg Vijeća ministara Bosne i Hercegovine.

(3) Odobrena sredstva za interventno korištenje tekuće rezerve, evidentiraju se u Informacioni sistem finansijskog upravljanja (ISFU) kao program posebne namjene na fondu 10 u Generalnom sekretarijatu Vijeća ministara Bosne i Hercegovine, Ministarstvu vanjske trgovine i ekonomskih odnosa Bosne i Hercegovine i Ministarstvu odbrane Bosne i Hercegovine, na osnovu pojedinačnih odluka predsjedavajućeg Vijeća ministara Bosne i Hercegovine i zamjenika predsjedavajućeg Vijeća ministara Bosne i Hercegovine, koje će voditi Uredi predsjedavajućeg Vijeća ministara Bosne i Hercegovine i zamjenika predsjedavajućeg Vijeća ministara Bosne i Hercegovine. Generalni sekretarijat Vijeća ministara Bosne i Hercegovine, Ministarstvo vanjske trgovine i ekonomskih odnosa Bosne i Hercegovine i Ministarstvo odbrane Bosne i Hercegovine će, Ministarstvu finansija i trezora Bosne i Hercegovine, dostaviti zahtjev za otvaranje programa posebne namjene i Tabelu 5. operativnog plana za alokaciju ukupno odobrenih sredstva na fondu 10 u skladu sa članom 18. stav (5) Zakona o budžetu institucija Bosne i Hercegovine i međunarodnih obaveza Bosne i Hercegovine za 2025. godinu.

(4) Uredi predsjedavajućeg Vijeća ministara Bosne i Hercegovine i zamjenika predsjedavajućeg Vijeća ministara Bosne i Hercegovine, za korisnike tekuće rezerve iz stava (1) ovog člana, Ministarstvu finansija i trezora, Sektoru za trezorsko poslovanje dostavljaju na propisanom obrascu (obrazac 4.) nalog za unos dobavljača – korisnika rezerve u ISFU sistem.

(5) Generalni sekretarijat Vijeća ministara Bosne i Hercegovine, Ministarstvo vanjske trgovine i ekonomskih odnosa Bosne i Hercegovine i Ministarstvo odbrane Bosne i Hercegovine za korisnike tekuće rezerve iz stava (1) ovog člana, će Ministarstvu finansija i trezora, Sektoru za budžet, dostavljati tabelarne preglede sa podacima broja odluke, broja Službenog glasnika Bosne i Hercegovine u kojem su odluke objavljene, naziv korisnika sredstava, svrha doznake sredstava i iznos koji je odobren i koji je realizovan na osnovu pojedinačnih odluka predsjedavajućeg Vijeća ministara Bosne i Hercegovine i zamjenika predsjedavajućeg Vijeća ministara Bosne i Hercegovine o interventnom korištenju tekuće rezerve uz izvještaje u propisanim rokovima za sačinjavanje kvartalnih i godišnjih izvještaja.

VIII

(Realizovanje i evidentiranje odluka za interventno korištenje tekuće rezerve ministrima u Vijeću ministara Bosne i Hercegovine)

(1) Izuzetno od člana 17. stav (3) Zakona o finansiranju institucija Bosne i Hercegovine, sredstva u iznosu od 630.000 KM, uključena u iznos stavke Rezervisanja (9999-2, redni broj 1.-Tekuća rezerva) utvrđene Zakonom o budžetu institucija Bosne i Hercegovine i međunarodnih obaveza Bosne i Hercegovine za 2025. godinu, dodjeljuje se u pojedinačnim iznosima po 90.000 KM na raspolaganje ministrima u Vijeću ministara Bosne i Hercegovine u svrhu interventnog korištenja sredstava.

(2) Sredstva iz stavka (1) realizuju se na osnovu pojedinačnih odluka ministara u Vijeću ministara Bosne i Hercegovine o interventnom korištenju tekuće rezerve, koje se objavljuju u Službenom glasniku Bosne i Hercegovine. Dodjelu sredstava vršiće se u skladu sa članom 18. stav (5) Zakona o budžetu institucija Bosne i Hercegovine i međunarodnih obaveza Bosne i Hercegovine za 2025. godinu i kriterijima, koje pojedinačno utvrde ministri u Vijeću ministara Bosne i Hercegovine.

(3) Odobrena sredstva za interventno korištenje tekuće rezerve, evidentiraju se u Informacioni sistem finansijskog upravljanja (ISFU) kao program posebne namjene na fondu 10 u resornom ministarstvu, na osnovu pojedinačnih odluka ministara u Vijeću ministara Bosne i Hercegovine, koje će voditi Uredi ministara resornog ministarstva u Vijeću ministara Bosne i Hercegovine. Resorno ministarstvo u Vijeću ministara Bosne i Hercegovine će, Ministarstvu finansija i trezora Bosne i Hercegovine, dostaviti zahtjev za otvaranje programa posebne namjene i Tabelu 5. operativnog plana za alokaciju ukupno odobrenih sredstva na fondu 10 u skladu sa članom 18. stav (6) Zakona o budžetu institucija Bosne i Hercegovine i međunarodnih obaveza Bosne i Hercegovine za 2025. godinu.

(4) Uredi ministara resornog ministarstva u Vijeću ministara Bosne i Hercegovine, za korisnike tekuće rezerve iz stava (1) ovog člana, Ministarstvu finansija i trezora, Sektoru za trezorsko poslovanje dostavljaju na propisanom obrascu (obrazac 4.) nalog za unos dobavljača – korisnika rezerve u ISFU sistem.

(5) Resorno ministarstvo u Vijeću ministara Bosne i Hercegovine za korisnike tekuće rezerve iz stava (1) ovog člana, će Ministarstvu finansija i trezora, Sektoru za budžet, dostavljati tabelarne preglede sa podacima broja odluke, broja Službenog glasnika Bosne i Hercegovine u kojem su odluke objavljene, naziv korisnika sredstava, svrha doznake sredstava i iznos koji je odobren i koji je realizovan na osnovu pojedinačnih odluka ministara u Vijeću ministara Bosne i Hercegovine o interventnom korištenju tekuće rezerve uz izvještaje u propisanim rokovima za sačinjavanje kvartalnih i godišnjih izvještaja.

IX

(Pružanje pomoći entitetima i Brčko Distriktu Bosne i Hercegovine u slučajevima prirodnih nesreća)

(1) Sredstva u iznosu 0,01% ukupnog Budžeta institucija Bosne i Hercegovine, uključena u iznos stavke „Rezervisanje“ (9999-2, redni broj 1 – Tekuća rezerva), koristiće se za pružanje pomoći entitetima i Brčko Distriktu Bosne i Hercegovine u slučajevima prirodnih nesreća.

Raspored sredstva propisane se posebnim odlukama, koje donese Vijeće ministara Bosne i Hercegovine, na prijedlog Ministarstva sigurnosti Bosne i Hercegovine.

(2) Realizovanje i evidentiranje odobrenih sredstva tekuće rezerve iz stava (1) ovog člana, će se vršiti u skladu sa pravilima realizovanja navedenim u članom IV ovih Instrukcija.

X

(Realizovanje i evidentiranje odluke Vijeće ministara Bosne i Hercegovine za odobravanje jednokratne pomoći zaposlenim u institucijama Bosne i Hercegovine)

(1) U skladu sa članom 18. st. (8 - 10) Zakona o budžetu institucija Bosne i Hercegovine i međunarodnih obaveza Bosne i Hercegovine za 2025. godinu, Vijeće ministara Bosne i Hercegovine, na prijedlog Ministarstva finansija i trezora BiH, će donijeti odluku o odobravanju jednokratne pomoći zaposlenim u institucijama Bosne i Hercegovine u roku od 15 dana od dana usvajanja Zakona o budžetu institucija Bosne i Hercegovine i međunarodnih obaveza Bosne i Hercegovine za 2025. godinu.

(2) Realizovanje i evidentiranje odobrenih sredstva tekuće rezerve iz stava (1) ovog člana, će se izvršiti u skladu sa odlukom Vijeća ministara Bosne i Hercegovine.

XI

(Izveštavanje o namjenskom utrošku sredstava)

(1) Korisnici tekuće budžetske rezerve iz članova III, IX i X ovih Instrukcija dužni su dostaviti izvještaj o namjenskom utrošku sredstava u propisanim rokovima za sačinjavanje kvartalnih i godišnjih izvještaja.

XII

(Dostavljanje)

(1) Ove Instrukcije dostavit će se svim budžetskim korisnicima i objaviti na web - stranici Ministarstva finansija i trezora i iste će se primjenjivati na sve dodjele sredstava tekuće rezerve u fiskalnoj 2025. godini.

XIII

(Završne odredbe)

Instrukcije stupaju na snagu danom potpisa od strane Ministra finansija i trezora.

Broj: 05-02-2-6728-2/25
Sarajevo, 24. 11. 2025. godine

MINISTAR
Dr. Srdan Amidžić, s.r.